

Universitätsbibliothek Paderborn

**De Monstris Et Monstrosis, Qvam Mirabilis, Bonvs, Et
Ivstvs, In Mvndo Administrando, Sit Devs, Monstrantibvs**

Stengel, Georg

Ingolstadij, 1647

§. 17. Epilogus huius, de monstris & monstrosis, tractatûs, ostendens, non esse in his caussam querelarum; sed occasionem diuinæ prouidentiæ & bonitatis admirandæ.

[urn:nbn:de:hbz:466:1-51168](#)

gelis D E I : si non corpore, non etate, certè felicitate.

§. XVI.

Epilogus huius, de monstribus & monstroribus, tractatus, ostendens, non esse in his causam querelarum; sed occasionem diuinæ prouidentiæ & bonitatis admirandæ.

Quæ cùm ita sint, quis conqueri iure potest, naturam secum nimis illiberaliter egisse, quòd vel deformem genuerit, vel mancum, vel alio defectu monstruosum? Respiciat ad primam hominis originem, quām illa sine nævo, sine vitio, quām perfecta fuit? Reuocet in mentem primi parentis prævaricationem, nonne in eo, tanquam in capite, omnium mortaliū progenies fuit damnata? Quid habet, ut ploret, si ei natura formæ gratiam negauit; quando peccatum genitoris ei gratiam diuinam profligauit? Beneficium accipit, qui clementer plectitur, meritus grauiora. Quid quòd plurimis sua monstruositas prodest? Deformes sunt? non habent corporis pulchritudinem, habent autem vtilitatem. Sic insidijs carent; sic minùs periclitantur; sic non sunt illecebrosi; sic

Sf 5

faces

faces extingunt; sic incendijs obſiſtunt,
 & animorum, & Tartarorum. Sic superbi-
 am ſubigunt; ſic ſe iſpos & terrena omnia
 facilius despiciunt; ſic in terris meliora
 quærunt, in cælo reperiunt pulchriora.
 Non odit pater filium, cui canem negat,
 equum donat. Multis Deus non vult dare,
 quod morbus tollit, ſenectus perdit, mors
 funditus euertit; & donat aliquid, in quod
 neque morbus, neque anni, neque iſpa Li-
 bitina habet potestatem. Sæpe enim flo-
 rents animus, in putri corpore habitauit.

2. Cor. 12. Nunquā audiuisti dicentem: *Placeo mihi*
10. *in infirmitatibus meis, in contumelijs, in ne-*
cessitatibus, in persecutionibus, in angustijs, pro
Christo. Cùm enim infirmor, tunc potens sum.
 Potior hominis pars eſt anima, huic addi-
 tur, quod corpori demitur. Non æſtiman-
 da eſt exigui repulſa, quam maximi ob-
 latio compensat. Quid curas, ſi te despi-
 ciunt mortales, quem ſuspiciunt & amant
 immortales? Naturæ eſt opus, & laus pa-
 rentum, ſi nihil eſt in corpore tuo mon-
 strosum: ſi te virtutibus ornas, tibi impu-
 tatur. *Pulchrius eſt, pulchrum fieri, quam*
nasci. Quod natura dedit, potest auferre ca-
fus: animi bona nolentibus nunquam eri-
piuntur.

piuntur. Cui deest decor frontis, cōparet decus mentis; hoc si habet, oninem corporis labem compensauit. Breuis es? Mors te extendet. Longus es, contrahet sepulchrum. Claudus es, ambulare non potes? mente ad cālum euola. In morbo, & lecto iacere cogeri? Assurge animo, si corpore non potes. Pede cares? non cares ratione. Maculam tibi mater in vultum impressit? gratulare tibi, si non & mens tua est maculata. Prolem naclus es bestiæ similem? fortasse & tu ipse sicut bestia vi-xisti; mitte querelas, si tibi parem vel Deus, vel natura sobolem dedit. Gibbum tergo tuo mater iniecit? porta hanc farciam patienter, quæ te semper monet, quantum onus, pro tua salute, Dominus gestarit. Caluus es? & magnus Propheta caluus fuit. Oculos amisisti? clausa est fenestra, per quam mors intrare potuisset. Exsurdatæ aures vocem non admittunt? Ergo neque conuicia, neque contumelias, neque adulaciones, neque detractiones, neq; mendacia. O quot hostes excludunt! Nescis loqui? ô quantis peccatis liber es! Ita non reddes summo iudici de otiosis verbis rationem; ita nulli maledices; ita non peierabis;

636 Cap. XVII. Monstra in celo nulla, &c.

peierabis; ita obſcœna non proferes; ita nullius famam subhaftabis. Brachijs truncatus es? nec teipſum vestire, nec cibum ori inferre potes? Aſt alij te vediunt, alij pascunt; ita pro duobus brachijs duos famulos, aut plures accepisti. Denique si monstrum esse non vis, si horrefcis monstrositatem, ne te ſubijce malo dæmoni, ne mancipium esse velis vitiorum; his enim qui feruit, omnium monſtrorum eſt monstrofſiſſimus; & inter longè truculentiora monſtra, in Acheronte, æternūm ſedebit.

Qui autem ſeipſum ornat pietate, quamvis ſit deformis, non ſolūm facile & ſpeculum ſuum, & oculum alienum contemnet; verūm etiam in altera vita, ſiue puer, ſiue ſenex, ſiue rufus, ſiue canus ex hac diſcedat, formosus & pulcher, inter formosos & pulchros, arcana Dei consilia, & prouidam bonitatem lätiffimè laudans;

Pſal. 104.

5.

cantabit: *Mementote mirabilium eius,*
que fecit: prodigia eius, & judicia
oris eius.

F I N I S.

INDEX